



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

ODLUKA
O IMENOVANJU I DAVANJU OVLAŠTENJA ZA VRŠENJE FUNKCIJE
PREDSJEDNIKA I ČLANOVA SKUPŠTINE
J.P. „OLIMPIJSKI BAZEN OTOKA”
(Prijedlog)

Predlagač: Gradonačelnica
Obrađivač: Stručna služba gradonačelnice
Grada Sarajeva

Sarajevo, oktobar, 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), člana 18. Statuta Javnog preduzeća „Olimpijski bazen Otoka” d.o.o. Sarajevo, broj 01-1-1393/18 od 22.11.2018. godine i člana 8. stav 3. Odluke o proceduri, uslovima i standardima imenovanja članova Skupštine javnih preduzeća čiji je osnivač Grad Sarajevo („Službene novine Kantona Sarajevo”, broj 27/21), Gradsko Vijeće Grada Sarajeva na sjednici održanoj dana __. __. 2021. godine, donijelo je

(Prijedlog)

**Odluku
o imenovanju i davanju ovlaštenja za vršenje funkcije predsjednika i članova Skupštine
J.P. „Olimpijski bazen Otoka” d.o.o. Sarajevo**

Član 1.

Ovom odlukom Gradsko Vijeće Grada Sarajeva imenuje i daje ovlaštenje za vršenje funkcije predsjednika i članova Skupštine J.P. „Olimpijski bazen Otoka” d.o.o. Sarajevo (u daljnjem tekstu: Skupština Preduzeća) i utvrđuje naknadu za rad u Skupštini Preduzeća.

Član 2.

U Skupštinu Preduzeća, na mandatni period od četiri godine, sa ovlaštenjem za vršenje funkcije predsjednika i članova Skupštine, imenuju se:

1. Elvir Hadžiahmetović, predsjednik
2. Kenan Džonko, član
3. Muamer Aljić, član

Član 3.

- (1) Naknada za rad u skupštini Preduzeća, za predsjednika i članove Skupštine, utvrđuje se u mjesečnom iznosu od 450,00 KM.
- (2) Naknada iz stava (1) ovog člana Odluke isplaćuje se predsjedniku i članovima Skupštine ukoliko se u toku mjeseca održi najmanje jedna sjednica Skupštine.

Član 4.

Ova odluka stupa na snagu narednog dana od dana objavljivanja u „Službenim novinama Kantona Sarajevo”.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), kojim je propisano da Gradsko Vijeće donosi odluke, druge propise i opće akte i daje njihovo tumačenje.

Pravni osnov sadržan je i u članu 18 Statuta Javnog preduzeća „Olimpijski bazen Otoka” d.o.o. Sarajevo, broj 01-1-1393/18 od 22.11.2018. godine, kojim je propisano da u ime osnivača, prava i obaveze Skupštine Preduzeća vrši predsjednik i dva člana, po ovlaštenju Gradskog vijeća Grada Sarajeva. Navedenim članom regulisan je period na koji se daje ovlaštenje, kao i druga bitna pitanja vezana za postupak i proceduru imenovanja.

Pravni osnov je sadržan i u odredbi člana 8. stav 3. Odluke o proceduri, uslovima i standardima imenovanja članova Skupštine javnih preduzeća čiji je osnivač Grad Sarajevo („Službene novine Kantona Sarajevo”, broj 27/21), kojim je propisano da će gradonačelnica Grada Sarajeva, a nakon što joj Komisija za izbor dostavi prijedlog rang-liste, predložiti Gradskom vijeću Grada Sarajeva prijedlog Odluke imenovanja člana/članova Skupštine Preduzeća.

RAZLOZI DONOŠENJA I HITNOST U POSTUPANJU

Odlukom o imenovanju vršioca dužnosti predsjednika i članova Skupštine J.P. „Olimpijski bazen Otoka”), na period od 3 (tri) mjeseca („Službene novine Kantona Sarajevo”, broj 30/21), imenovani su predsjednik i članovi Skupštine ovog Javnog preduzeća na period od 3 (tri) mjeseca.

Naprijed citirana Odluka stupila je na snagu narednog dana od dana objavljivanja u „Službenim novinama Kantona Sarajevo”, odnosno 30.07.2021. godine.

Polazeći od činjenice da je imenovanje izvršeno na ograničeni period te da mandat imenovanim vršiocima dužnosti ističe 30.10.2021. godine, to je gradonačelnica Grada Sarajeva, shodno zakonom i podzakonskim aktima utvrđenim nadležnostima, obezbijedila provođenje oglasne procedure na način i po postupku propisanom odredbama Zakona o ministarskim, vladinim i drugim imenovanjima Federacije Bosne i Hercegovine, Statuta Javnog preduzeća „Olimpijski bazen Otoka” d.o.o. Sarajevo, kao i odredbama Odluke o proceduri, uslovima i standardima imenovanja članova Skupštine javnih preduzeća.

U vezi sa naprijed navedenim, raspisan je Javni oglas za izbor i imenovanje predsjednika i članova Skupštine J.P. „Olimpijski bazen Otoka” d.o.o. Sarajevo.

Javni oglas objavljen je u dnevnim listovima, službenoj web stranici Grada Sarajeva i „Službenim novinama Federacije BiH”.

Protekom roka za podnošenje prijava (15 dana od dana objave u „Službenim novinama Federacije BiH”), Komisija imenovana Rješenjem gradonačelnice Grada Sarajeva, broj 01/13-04-5229/21 od 01.10.2021. godine, u potpunosti je provela oglasnu proceduru (otvorila pristigle prijave, utvrdila koji kandidati ispunjavaju uslove Javnog oglasa, sačinila listu kandidata koji su pozvani na intervju, obavila intervju sa kandidatima te sačinila listu najuspješnijih kandidata i istu dostavila gradonačelnici Grada Sarajeva na nadležno postupanje).

Prilog: Javni oglas objavljen u „Službenim novinama Federacije BiH”, broj 74/21”,

Zapisnik sa prvog sastanka Komisije održanog 11.10.2021. godine,

Zapisnik da Drugog sastanka komisije održanog 18.10.2021. godine.

U skladu sa dostavljenom dokumentacijom i nakon izvršenog uvida u utvrđenu listu redosljeda najuspješnijih kandidata, gradonačelnica Grada Sarajeva je utvrdila Prijedlog Odluke o imenovanju i davanju ovlaštenja za vršenje funkcije predsjednika i članova Skupštine J.P. „Olimpijski bazen Otoka” d.o.o. Sarajevo.

Predloženo je da se predmetna Odluka razmatra po hitnom postupku, u skladu sa članom 127. Poslovnika Gradskog vijeća Grada Sarajeva zbog postojanja neodložne potrebe za donošenjem iste iz razloga što imenovanim vršiocima dužnosti predsjednika i članova Skupštine Preduzeća mandat ističe 30.10.2021. godine, a u pitanju je organ bitan za rad i funkcionisanje Preduzeća.

Prilog: Biografski podaci predloženih kandidata (CV)

FINANSIJSKA SREDSTVA

Za realizaciju Odluke finansijska sredstva osigurat će J.P. „Olimpijski bazen Otoka”.